



Publicaziuns dalla vischnaunca, jamna 47

Damondas da baghegiar

2019-1029.000

Datum dalla publicaziun: 22 da november

Il patrun: Clemens Berther-Bearth, Via Salez 3, 7186 Segnas

Il representant: Clemens Berther-Bearth, Via Salez 3, 7186 Segnas

Object: Travestgir da niev il baghetg nr. 390 ed integrar finiastras novas, parcella 60, Via Salez 5, 7186 Segnas

Intent

dall'exposiziun

publica: - Damonda da baghegiar per stabiliments enteifer la zona da baghegiar

2019-1046.000

Datum dalla publicaziun: 22 da november

Il patrun: Bergbahnen Disentis AG, Via Acletta 2, 7180 Disentis/Mustér

Il representant: Iso Mazzetta, Via Lucmagn 7, 7180 Disentis/Mustér

Object: Construcziun d'in surpassadi digl ual d'Acletta, parcella 1335 alla Via d'Acletta, 7180 Disentis/Mustér

Intent

dall'exposiziun

publica: - Damonda da baghegiar per stabiliments enteifer la zona da baghegiar

- Damonda per projects da construcziun vid vias cantunales

Protestas:

Ils plans da construcziun ein deponi tier l'administraziun communal, ei sa vegnir priu investa duront las uras da spurtegl. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 22 da november 2019

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2019 – 1028.000

Rhätische Bahn AG, Bahnhofstrasse 25, 7002 Chur; construcziun d'in palancau per la cargada da lenna tier la staziun dil tren e per garantir la segirtad sin via e passapei, parcella 706, Via dalla Staziun, 7180 Disentis/Mustér

Disentis/Mustér, ils 19 da november 2019

Uffeci da baghegiar Disentis/Mustér

Cussegl da vischnaunca

Rapport dalla seduta dils 14-11-2019

En sia seduta dils 14 da november 2019 ha il cussegl da vischnaunca, sut il tgamun d'Armin Berther, tractau il preventiv 2020 e la cunvegna da prestaziun gimnasi claustral Mustér 2020–2022.

Il parlament communal ha approbau unanimamein la cunvegna da prestaziun cun la Regiun Surselva davart il sustegn finanziel al gimnasi claustral Mustér pils onns 2020–2022 e concediu persuerter in credit da frs. 186 000.–, il qual vegn sbursaus en treis pagaments ulivs duront ils proxims treis onns. Cun quella decisiun ha il cussegl sutlingiau l'impurtonza dil gimnasi claustral per nosa vischnaunca e regiun.

La tractaziun dil preventiv 2020 ei vegnida tgamunada da vicepresident Mario Flepp. Il quen da gudogn e sperdita preveda expensas da frs. 15,651 milliuns ed entradas da frs. 15,786 milliuns. Aschia resulta in surpli



d'entradas da frs. 134 800.–. Dallas investiziuns nettas da rodund 3,24 milliuns francs pertuccan rodund frs. 1 020 000.– las vias communalas e frs. 350 000.–. la dismesa e purificaziun dall'aua (canalisaziuns). Il cash-flow munta ad 1,32 milliuns francs. Il cussegl da vischnaunca ha sunter ina buna e fundada discussiun approbau unanimamein il preventiv 2020 sco era fixau il pei da taglia sin entradas e facultad sin 120% e la taglia sin schischom sin 1,7‰ (sco entochen dacheu).

Plinavon ha il parlament communal decidiu d'eleger ina cumissiun che duei sclarir, schebein ina reducziun dil pei da taglia, oz 120% dalla taglia cantunala, seigi indicada.

Suprastonza communalala

Referendum facultativ

A caschun da sia seduta dils 14 da november 2019 ha il cussegl da vischnaunca approbau unanimamein il preventiv 2020.

Conform ad art. 21 lit. a dalla constituziun communalala ei quella decisiun suttamessa al referendum facultativ. Il messadi tiel preventiv 2020 (incl. annexas) ei exponius per investa en casa communalala (stanza nr. 10). Enteifer 20 dis dapi la publicaziun officiala han 80 votants la pussevkladad d'inoltrar enviers sura conclus il referendum e pretender ina votaziun dil pievel.

Suprastonza communalala

Temps d'unviern

Restricziuns da carrar e mesiras da segirtad

Vias forestalas e funsilas

Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl emprem da december entochen la fin da mars, respectivamein naven dil mument che las vias ein cuvretgas cun neiv. Fullar via (rumir vias) ei scumandau (art. 10 dil reglament da traffic).

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl 1. da december 2019 entochen miez d'avrel 2020. Vegnan talas sendas e rutas passadas ordeifer quei temps, succeda quei en atgna responsabladad. Medemamein semova tut tgi che banduna sendas da viandar d'unviern, rutas da gianellas, vias rumidas dalla neiv e territori en zona da baghegiar en atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet www.disentis.ch/strassen.

Nus supplichein da prender enconuschientscha da questas directivas e giavischein in bi temps d'unviern. Bien engraziament per la capientscha ed observaziun.

Disentis/Mustér, ils 22 da november 2019

Direcziun communalala Disentis/Mustér

Fiera da Nadal

Serrada dalla Via Cons

Sonda, ils 23 da november 2019, ha la fiera da Nadal liug a Disentis/Mustér. La fiera vegn organisada dall'Uniun da dunnas da Mustér e sespleiga sigl areal dalla scola Cons. Entgins stans vegnan era endrizzai sin la Via Cons.

Duront las preparativas per la fiera e la fiera sezza vegn la Via Cons serrada **sonda, ils 23 da november 2019 naven dallas 8.00 entochen allas 22.00** sil tschancun denter la sbuccada Via da Scola entochen tier la Via Sontga Gada.

Nus engraziein grondamein per risguardar la signalisaziun sco era per la capientscha.



Uffeci da baghegiar ed infrastruttura

Seivs mobilas per la pasculaziun

Tenor art. 75, al. 1 dalla lescha da baghegiar ed art. 18 al. 1 dalla lescha d'agricultura ston tuttas seivs mobilas vegnir allontanadas sil pli tard treis dis suenter la pasculaziun. Quei vala era per seivs da gatter. Las seivs buca allontanadas vegnan pridas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescettas.

Disentis/Mustér, november 2019

Uffeci da baghegiar ed infrastruttura

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Quellas lavurs ston esser finidas sil pli tard entochen la **fin da november 2019**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietari.

Disentis/Mustér, november 2019

Uffeci da baghegiar ed infrastruttura Disentis/Mustér

Reducziun individuala dallas premias dalla cassa da malsauns 2019

Persunas e famiglias che vivan en relaziuns economicas mudestas san, risguardond certas premissas, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han uonn aunc buca fatg diever da quei dretg, san far quei entochen **la fin digl onn 2019 (davos termin, datum dil bul da posta 30-12-2019)**.

Informaziuns, basa legala, muossavia ed il formular d'annunzia ein d'anflar sin la pagina d'internet www.sva.gr.ch). Ils formulars san era vegnir retratgs tier l'administraziun communalala.

Per damondas stat il personal dall'administraziun communalala bugen a disposiziun.

Administraziun communalala

Biblioteca populara Disentis/Mustér e contuorn

Historias d'advent, sonda, ils 23 da november 2019,
allas 14.00/14.30/15.00.

Duront la fiera da Nadal raquintein nus historias d'advent per affons pigns en fuorma da kino da cudischs da maletgs (cuoz mintgamai 20–30 minutas).

Plinavon ei la biblioteca aviarta dallas 13.30–15.30.

La decoraziun da Nadal cun l'exposiziun da cudischs d'advent e Nadal dat ina tempru tut speciala. Encuris vus aunc in schenghetg per vos cars? In abbonament dalla biblioteca fa igl entir onn plascher e cuort'uriala. Nus gavischein in legreivel temps d'advent e selegrein sin vossa viseta!

Il team dalla biblioteca



Historias – versets – giugs da detta

Venderdis, ils 29 da november 2019, dallas 14.30–15.00 per geniturs cun lur affons pigns ni tats e tattas cun lur biadis entochen quater onns. Vegni e tedlei versets, historias ni giugs da detta pils pigns. Nus selegrein sin vossa viseta!

*Maxi, la tartaruga
ed il team dalla Biblioteca populara
Disentis/Mustér e contuorn*

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 28 da november 2019**
Temps: 15.00–16.30
Liug: Casa da scola Segnas, local artgin, ella 1 alzada
Prender cun: marena e scalfins
Ulteriuras informaziuns e datums anfleis Vus sut www.uddm.ch
Cordialmein envida

Uniun da dunnas, ressort affons

Sontgaclau viseta ils seniors

Dumengia, ils 8 da december 2019, dallas 13.30 entochen allas 16.00 en halla Cons. Cun grond plascher envidein nus convischinas e convischins da 60 onns ensi alla tradiziunala sentupada cun Sontgaclau. Cun in pign program, la viseta dil Sontgaclau ed in puschegn lein nus porscher a Vus in pèr emperneivlas uras en buna cumpignia.

Accompignament musical: Las vuschs dil Rein
Nus selegrein da passentar ensemen cun Vus in bi suentermiezdi.

Uniun da dunnas Disentis/Mustér

Fiera da Nadal sin plaz scola

Sonda, ils 23 da november 2019, 13.30 entochen allas 20.00.

- Menaschi d'ustria en halla Cons
 - Stalla da Nadal cun animals
 - Affons zambregian en halla Cons 14.00–16.30
 - Kino da cudischs en biblioteca 14.00/14.30/15.00
- Sin Vossa viseta selegrein exposituras ed expositurs e

I Uniun da dunnas Disentis/Mustér

Advent-Kinder-Treff im Aua Viva

Am Mittwoch, 27. November, laden wir von 15.30 bis 17 Uhr zum Kinder-Treff im Aua Viva ein. Wir wollen zusammen singen, Geschichten hören, basteln, spielen und Spass haben! Der Kinder-Treff steht unter dem Motto Advent und ist offen für reformierte und andere interessierte Kinder von ca. vier bis zehn Jahren. Auch Eltern sind willkommen, wenn dies die Kinder wünschen.



Weitere Auskünfte und Anmeldung bei Bettina Müller Hendry, 078 808 58 53.
Wir freuen uns auf einen fröhlichen Nachmittag!

*Yvette Riesen, Eva-Katharina Tomaschett,
Susanne Strupler, Bettina Müller Hendry*

Alzheimer grischun

Invitaziun

Venderdis, ils 22 da november 2019, allas 13.30–16.00 ella halla Cons. Suentermiezdi da sault e musica per giuven e vegl cun caffè e petta.

- Musica da sault entras Capella Cadetg
 - Chor mischedau Puntreis
 - Gruppa da gimnastica da senioras Mustér
- Cordialmein envida

Alzheimer grischun, Nicole Candinas

Seniora-Ca

Invitaziun

Gievgia, ils 28 da november 2019 allas 12.00 ell'Aua Viva. Ina buna tradiziun: sentupada da seniors e senioras dall'entira vischnaunca da Mustér tier in gentar da cumpignia. Annunzia tochen **gliendisdis, ils 25 da november 2019**, allas 17.00 a Puntreis sut 081 929 56 56.

Sch'enzatgi drova transport, era gest indicar.
Per autras informaziuns: Linus Maissen, 079 423 01 37

Post d'informaziun Seniora-Ca

Uniun samaritana Mustér

L'acziun da spender saung per donaturas e donaturs dallas vischnauncas da Medel e Mustér ha liug:

Gliendisdis, ils 25 da november 2019

dallas 18.00–20.00 en halla Cons.

Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Uniun samaritana Mustér

Finiastras d'Advent a Segnas

Cun grond plascher astgein presentar la successiun dallas finiastras d'Advent a Segnas. In plan da situaziun detagliau anfleis naven digl 1. da december 2019 sin tabla dalla casa da scola a Segnas. Grond engraziament a tuts e tuttas che preparan ina biala finiastra, ed a tuts visitaders giavischein bials muments.

Successiun:

1. Carla Fry
2. Nelly Huonder
3. Silvia Gerlach
4. Helen Lutz
5. Rosmarie Fry
6. Judith Cathomen
7. Corina Büchi
8. Bettina Jacomet
9. Silvia Bucheli
10. Christina Monn



11. Rosangela Giger
12. Anja Kittlich Berther
13. Isabell Sialm
14. Nadja Schmed
15. Barla Jacomet
16. Rosmarie Duff
17. Regina Giger
18. Clarissa Loretz
19. Daniela Deflorin
20. Barbara Candinas
21. Toja Maissen Berther
22. Sonja Durschei
23. Darinka Cajacob
24. Irma e Heidi Durschei
25. Artgin